

T5419/0160(2)

CHINESE - JAPANESE LIBRARY  
HARVARD - YENCHING INSTITUTE  
AT HARVARD UNIVERSITY  
OCT 31 1940

慎修堂集卷之二

河汾亢思謙子益著

哈佛大學漢和  
圖書館珍藏印

詩

七言律

大廷

賜對次元輔相公韻二首

紫宸朝下承

清問共捧天書拜漢庭三策自

應慚董子上林何敢效長卿香浮碧殿和風轉

日映彤闈淑景清願與同袍戒溫飽須知明

主為蒼生

十年藜火甘茅  
此日操觚對  
禁庭香霧散  
時開帝殿珮聲高  
處列仙卿文章掩映奎光逼  
禮樂昭回泰宇清  
主聖臣賢際嘉會  
願輸忠赤效平生

送大司成南渠李先生之南雍

龍樓仙客拜新榮  
虎觀儒宗莅舊京  
天上恩光宮錦燦  
江頭春色綵帆輕  
橋門冠帶迎師範  
紫殿爐烟戀主情  
講席重臨今已正好  
培梁棟

佐承明

送弟禮南歸

天涯把袂欲中分  
此際驪歌詎忍聞  
愁極看花還引恨  
情牽舉酒不成醺  
鵲鴿飛急憐孤影  
鴻鴈聲悲嘆失羣  
謾道清朝金馬貴  
鄉心遙逐太行雲

柳亭

清陰舊蔭新安里  
隨處頻移共結亭  
喜見繁條垂翠蓋  
謾云飛絮逐浮萍  
踈連梅蕊當窓見  
密

隱鶯簧滿坐聽鳳翼龍鱗誇漢苑結根應憶故  
山靈

送同年王槐溪

蚤歲聯鑣晉水東看花上苑喜仍同論交心切  
浮雲外悵別魂銷夕照中綵服適承親壽慶黃  
麻新沐國恩隆蒼生百里應延頸好布深仁  
對帝衷

壽同年胡劍西父母六十

淮南賓客盛簪裾偕老承恩近帝居住節共

當長夏日修齡雙慶六旬初香浮壽斝新醪泛  
色映宮羅綺席舒鶴髮同懽金馬客龍章行  
錫紫泥書

送同年馬孟河歸養

玉署承恩與子初陳情歸去獨愁予連江草樹  
牽離別出岫晴雲自卷舒謾訝青春辭魏闕先  
權綵服奉潘輿明時未可懷終隱天祿燃藜待  
校書

恩榮宴即席次韻二首

慎修堂集  
萬國章縫際遇同鎬京周宴侶雲鴻 恩頒鼎  
養來天上世際豐亨正日中槐影晴連袍色綠  
花容光接醉顏紅平生溫飽元非志願竭庸愚  
効寸忠

二

瑞色龍葱御宴開迂踈愧匪洛陽才人文濟濟  
盈香座天樂洋洋遶砌臺 北闕恩光浮草木  
南宮遭際應風雷更逢黃閣陽春曲真擬乘槎  
拂斗迴

初秋李氏山亭餞別同年五侍御出清

分韻得杯字

新秋繡斧出霜臺駐馬同袍共舉杯芳草似牽  
遊子念繁花偏近水亭開 清朝久負匡時畧  
中秘遙憐作賦才攬轡漫云酬壯志江湖廊廟  
首應迴

送宮庶兼殿講吳筠泉視篆南院

佳麗江山擁鎬京玉堂視篆羨光榮講筵兼綰  
懸新命宮秩崇遷異舊名日射離亭 丹闕迥

風生潞渚彩帆輕蓬瀛地分元清切詩賦遙應

動帝城先生自贊善遷庶子兼侍講云

送鄭纓泉之縉雲

西征十載故人稀玉樹重依喜帝畿共戰可

堪迷日色揮戈誰為挽斜暉都門官柳催征騎

薊野飛花點客衣聖主好文應有薦上林行

見馬卿歸

送周章巖之東廣

潞河彩鷁御長風薇省仙郎出漢宮百粵山川

連絕徼五羊形盛控遐封桄榔葉暗郵途繞盧

橘花香里域通駟馬壯遊應不羨甘棠還喜鳳

毛同

送大司成閻又泉之南雍二首

河汾舊隱玉堂賓豐鎬師儒寵命新宮錦輝煌

懸日月仙舟搖曳上星辰陰陰夏木連官舍浩

浩江流淨客塵行見橋門興禮樂更聞帷幄試

經綸

二

雞鳴國學共崔嵬樂育還須命世才玉珮曉違  
鳩鵲觀錦帆晴指鳳凰臺秦淮夜月絃歌滿鍾  
阜春風講幄開自昔漫誇佳麗地栽培應見棟  
梁材

送王槐野宮諭視篆南翰院

才名自昔冠儒紳視篆留都帝簡新玉署地  
分清切舊春宮兼綰寵光頻樓船簫鼓行經  
楚畫錦潘輿喜過秦漫為江山增黻藻早看廊  
廟試經綸

賀李封君夫婦同壽

同年李石鹿尊人

龍頭擢第仙郎貴鳳詔推封聖主恩白首齊  
眉傳壽筭朱衣並綰照蘭蓀春明晨省驅征幘  
畫錦光華動故園漫道清時繁雨露于公夙已  
有高門

送同年王虹塘侍御之留都

清朝執法重留臺攬轡風烟萬里開高大于門  
元種德風流阮氏夙多才旌旄光動催驄馬畫  
錦權承獻壽杯慷慨平生思報主匡時疏草

定應裁

送鄒春山司訓之大埔

有序

春山鄒君懷奇弗值貢上南宮再試  
大廷皆褻然選首予延授諸子經踰年  
赴教大埔重其人難其別而期其遇也  
情見乎辭

驪歌聲徹日方曛把酒那堪遠別君  
白雪梁園憐藻麗春風賓館憶蘭薰  
仙槎曉泛凌江月絳帳晴開對嶺雲  
試向羅浮倚長劍龍光萬丈動

星文

賀太宰李古冲應召還 朝次康礪峯學

士林肖泉司成韻二首

宸奎親灑紫微宮 帝召天卿禮特隆  
不假審圖求傳說共懽啟事得山公  
明良道合鴻鈞轉冰鑑光懸斗極崇  
咫尺黃扉諧大軸預開麟閣畫元功

二

聽履聲存雨露邊  
台階重上冠羣仙  
溫綸眷舊



須千里虛席 恩新曠萬年名世已忻關氣運  
降神還慶自山川行收麟鳳儀 金闕載咏卷  
阿振玉編

送吳澤峯太史用封代藩

未央月曉動雲韶 玉節輝煌下碧霄臚唱再  
承天寵渥奇遊寧憚塞垣遙雄邊磐石須  
龍用故國江山擁使輶攬勝定知多壯畧禁中  
頗牧翊清朝

送張西吳太史用封江西三府

九天閭闔日華生劔珮趨踰入太清 帝胄竝  
承桐葉錫詞臣獨奉玉書榮仙槎縹緲周江  
國宮錦晴光動楚城攬勝定知探白鹿抽毫應  
早侍承明

送王東臺尚寶用封中州

蓬萊啟曙御香飄詞客頒封下碧霄 金簡玉  
書王制重樓船簫鼓使星遙褰帷行挹河山  
勝畫錦仍欣海霧消歸到棣華相對處池塘芳  
草句應饒

送朱後菴黃門扶侍還太原

歸來青瑣拜恩初又見從親返舊廬諫草情懸  
辭魏闕衣萊色動奉潘輿鄉山望入雲天邇驛  
路驚連水溢餘霄漢側聞求獻納清秋且莫賦  
閒居

送大司成林肖泉之留都

冠帶橋門仰範模鎬京今喜得真儒詞林濟美  
榮三世壁水橫經歷兩都奕代勲猷歸斗極明  
時門闕冠雲衢忠貞自是公家訓密勿還將贊

聖謨

送同年朱文石之南司業

青春壁水領儒流宮錦南征便晝遊詞苑早憐  
依玉樹潞河驚見送仙舟庭闈懽動看萊舞澤  
國兵連繫杞憂暫向雞鳴擁臯比經綸遲爾鳳  
池頭

送同年劉次山按滇南

迢遞西南銅柱標中臺玉節下青霄霜飛繡斧  
瞻風采雲遠旌旄擁使輶詞賦早傳金馬重勳

名行勒碧雞 遙遐荒此日 聞多事 竚見澄清答  
聖朝

送殿撰唐小漁奉 詔營葬

文章奕世冠 儒紳勲業當年憶 老臣 金榜掄  
魁庭訓舊 玉魚蒙葬 國恩新 奎光追錫  
星辰麗 渥澤頻沾草木春 澌水未應淹畫錦  
鑾坡虛席待經綸

送門人慎子正之尹漳浦有懷梁心泉年

丈二首

少年已見掇巍科 抱璞荆山柰若何 南省喜傳  
收大雅都門忽爾對 驪歌地窮閩嶺郵途遠天  
入清漳霧靄多 幸有伯鸞持憲節 風行溟渤靜  
鯨波

二

秋風潞水木蘭船 才子為郎向海邊 杏苑蜚聲  
憐此日 棠陰遺愛見他年 花迎宮錦茗湖便 葉  
暗枕榔粵嶠連 循吏祗今誰第一 無令卓魯擅  
青編

送門人蔣汝昌節推之荊州

桂林東望即瀟湘  
佐郡榮君邇故鄉  
息壤祥刑看政績  
南宮珠玉憶篇章  
晴江曉泛仙舟遠  
烟樹雲連別恨長  
漫向龍山討陳迹  
早聞鳴鳳在朝陽

送門人許伯雲之尹分宜

崑岡瓊樹夙連城  
南省欣看眼獨明  
邑授名區掄選重  
途經梓里晝遊榮  
晴嵐當戶鈴山麗  
霽色浮光楚水清  
萬里雲霄方小試  
循良應不負平生

平生

送門人歸懋庸節推之泉州

青春佐郡刺桐城  
聞道山川類洛京  
萬里扶搖程始奮  
九苞文彩眼叨明  
吳門柳色迎宮錦  
粵嶠花香襲客旌  
遙想風清庭訟靜  
佳聲早慰故人情

送凌少里節推之福郡

芳菲草色滿春城  
尊酒郊亭萬里行  
風送仙槎銀漢遠  
光浮梓里錦衣明  
粵南喜俟祥刑績  
瑣

闥仍占獻納聲立馬暮雲頻極目鄉關渺渺若  
為情

送同年少宗伯康礪峯之留都

鳴珂春曉下仙臺潞水風生彩鷁開視草聲華  
留禁苑握蘭簡擢冠蓬萊曹分清切岐豐重  
帝命寅恭禮樂才回首雲霄天尺五輝光遙夜  
遶三台

送王育泉水部分司呂梁

黃河萬里自天來懸水奔流地軸開波浪魚龍

時不斷樓船蕭鼓日相催軍儲西北需方切民  
力東南總可哀此際漕渠憂豈細喜君真有濟  
川材

送同年胡日門太史冊封淮府

蓬萊啟曙御香飄才子須封下碧霄五色金書  
玉制重萬年磐石國基遙乘槎曉泛江光麗  
擁節春遊客思饒白鹿便應探往蹟羣峰鬱鬱  
水迢迢

送鄒一山觀察中州

青春 帝里共韶光又向津亭對別觴  
梁苑到時花定發隋堤經處柳應黃  
運籌邊塞孤臣遠攬轡中原壯志長  
獨抱風裁霄漢望多冠計日肅鷓行

送曹紀山館丈次韻二首

乘驄十載獨持衡童稚遙知子建名  
檣藻輝光傳秘館采芹文物動儒黌  
忻看膏澤垂嘉實何事東風競茂英  
萬里雲霄舒勁翮自慚弱羽應同聲

二

金殿班聯奉至尊 紫泥竝命向文園  
投瓊誼重先勞及倚玉思深未敢言  
三晉河山元氣繫百年天地赤心存  
龍門西望提封邇駐節何時惠細論





和楊胥江憲長衙齋喜雨登樓之作

絲絲澍雨滿長空  
玉散珠聯色界中  
霧暗欲迷楊子閣  
雲深應自楚王宮  
臘脂濕亞林花重  
翡翠

翠光連野黍芄遙望天南塵未靜願均甘澤共  
時豐

許昌道中聞李西谷憲副發自涑川屢待  
不至命驛吏簡迓承詩見懷次韻奉答  
落日驅車遠問津  
侵晨飛蓋逐秋塵  
爭傳憲節乘軺  
邇喜傍郵亭  
駐馬頻玉樹  
凌風徒極目  
梅花寄驛幾馳神  
何時相對西湖上  
共醉雲安麴米春

壽李西谷五袞

仙臺高步獨稱賢共喜登龍對壽筵梁苑花開  
忻五十蓬瀛桃實憶三千雲移樹色橫圖畫風  
送鶯聲入管絃懷抱壯猷身正健早聞勳業格  
皇天

春日謁諸葛廬次孫月巖侍御韻

臥龍故宅倚西岑往迹追遊思不禁經略三分  
歸指顧馳驅六出頓銷沉山川未盡英雄氣勲  
業焉知天地心遺像肅瞻神若在高風喬木引  
長吟

登清高閣次前韻

飛棟層軒控翠岑高寒風襲若為禁天垂平野  
星辰近日麗晴空霧靄沉炎祚興衰存素簡壯  
圖今古共丹心悠悠梁甫千年後一曲陽春振  
絕吟

季秋遊龍洞值雨次雷省吾臬長韻

羣山萬木晝生寒碧嶂蒼厓次第看洞古龍歸  
遺勝蹟潭澄雨過漲清瀾遙空迓照山含紫滿  
谷西風樹染丹高臥巖扃更何事移文應不羨



彈冠

遊華不注峯省吾憲長首倡次韻

膾膾原田接遠空孤峰突兀獨龍從平臨象緯  
疑塵外俯瞰湖光落鏡中遂有靈源移渤澥漫  
將長嘯動隆峯上有泉頗甘一乘風欲訪飛  
仙去絳節高居碧海東

谷蘿壁叅伯示近江卷命賦

萬頃烟波接碧空結茅幽絕與誰同牙籤點檢  
晴窓日水簟高眠玉宇風藹藹汀洲迷杜若冥

冥雲表漸秋鴻遙聞東閣延英俊未許扁舟狎  
釣翁

任園郡伯胡順菴宴集次韻

四郊禾黍報高秋喜擁熊車杜若洲座映晴光  
依玉樹庭充爽氣近瓊樓逶迤平野馴文雉浩  
蕩分波狎白鷗更羨揮毫燦雲錦詞場早已冠  
名流

送胡雲屏督學雲南

代作

蘭臺聯步侍明光憲府褰帷共晉陽十載封

章欣灑潤一時文教羨敷揚宮衣色映姚江麗  
桃李陰連燹道長行見西南富材美早掄楨榦  
捧巖廊

壽蔡明軒母程太孺人八袞

栢臺燕喜對東風初轉鴻鈞顯氣融春酒光浮  
瓊斝綠華燈輝射綺筵紅奉輿懽動承家慶攬  
轡澄清報主功繁祉共忻天眷永貽褒仍見  
帝恩崇

題胡順菴郡伯賢能宴賜圖冊

雲開閭闔珮聲高喜見循良拜赭袍 帝命銓  
衡推甲乙人歸冰鏡燭秋毫金緋駢錫真優渥  
天語親承極 寵褒共道宵衣臨黼座 大  
君端為細民勞

中秋待月

清秋三五暮天寒綺席頻移近碧欄玉露漸看  
零草際金波何事隱雲端停杯共坐更初永緩  
步遙聞漏向殘直欲中天爛然上光華應共萬  
方歡

九日菊未開

高秋風雨接重陽麗卉衝寒未吐芳盈把詎堪  
酬逸興携壺漫自望周行含馨似為留佳節歛  
萼應須傲晚霜會見舒華對晴景清標散滿九  
天香

孟冬朔日恭遇頒曆有作

堦莫初發對寒曦玉曆榮頒慶授時一統日新  
周正朔九重雲擁漢官儀乾元寶運開黃道泰  
筴真符拱赤墀叨沐恩波慚報稱萬年天保祝

鴻釐

觀苑中穫稻

深秋千畝稻雲黃銍銍聲連紫禁長實穎光迷  
晴日色清香遙逐午風颺行瞻玉粒修殷祀先  
擬金盤薦壽觴萬國豐年真帝力願將明德  
頌吾皇

院內觀蓮開

鑿坡啟運育羣材麗萼初隨淑景開綠蓋含光  
浮水面紅華凝采絢中台沃根舊澤瀛洲永濯

慎修堂集 卷二  
色新波太液來聞道花神有深意雲英應是預  
栽培

送太宰張龍湖先生赴南都

金陵佳麗奠周基太宰鈞衡冠漢儀台斗喜  
君新寵渥春風憶我舊遊期瑣闥獻納依雙闕  
冰鑑高懸正百司桃李已繁龍虎榜鹽梅還擬  
鳳凰池

首夏即事

朱明新景轉皇州永日虛堂暑氣浮南隴雨深

梅已熟西疇風煖麥方秋古槐陰覆空庭靜細  
草芳連曲徑幽翹首五雲天咫尺虞絃薰吹滿  
瀛洲

池荷新開邀客賞之不至

紫禁雲連玉署東綠荷初放一枝紅臨池早擬  
同山簡結社何期負遠公高閣望時情獨切碧  
筒持處興成空日斜徙倚層欄外惆悵清香逐  
晚風

廷試天下貢士即事

日華初動闢 承明仙珮分行引上卿萬國青  
 衿森拜舞 九天丹闕聽韶謨揮毫應染爐烟  
 重隱几遙聞玉漏清 聖主立賢無巨細草茅  
 何以報 生成

得鶴

曾看霄漢影翩翩此日來歸似有緣緩步追隨  
 疑勝友高樓吐納即飛仙晴雲碧草空庭下皓  
 月蒼松曲檻前對汝頓令塵慮淨還聽清唳徹  
 釣天

新秋對月

清商初動暮天涼深院沉沉漏漸長雲淨金波  
 增勝彩氣澄玉宇盡晴光坐闌迥覺寒暉襲景  
 轉遙連列宿張願得關山同朗照莫教風雨暗  
 殊方

秋聲

永夜空山秋氣清蕭蕭何處送闕聲淒橫暗逐  
 寒威疾颭沓遙疑裂帛輕宿鳥驚回號古木征  
 鴻催急度邊城虛窓靜聽多愁思落葉丹楓逐

曉生

夜坐憶防邊將士

清宵不寐獨依依  
風力穿窓燭影微  
密室尚驚寒氣襲  
關河無奈羽書飛  
嚴更刁斗凝霜立  
拂曙旌旄帶雪歸  
凍餒那堪軍令重  
繪圖誰為達天闈

代題柳亭

青青萬柳自新安  
此日移來上苑看  
春色每先三殿側  
曉風遙逐五雲端  
悠揚飛絮晴光轉

暎眊流鶯淑景闌  
寂寞可堪陶令宅  
遭逢應羨邇金鑾

九日書懷

燕臺風雨又重陽  
獨對茱萸漫舉觴  
何處登高舒遠望  
從教落帽笑踈狂  
壯懷暗逐邊烽動  
客思偏驚鴈韻長  
遙憶故園籬下菊  
繁花今日為誰黃

小至日作

凜冽窮陰冰雪橫  
喜逢明日一陽生  
葭灰緹室

吹將動雲物觀臺望欲盈凍草漸從回舊綠早  
梅應有發新榮漫驚和氣方微復交泰行看化  
育成

送門人程德良之南工曹有懷座師少司

成稚川王先生

禮闈銀燭夜輝煌奎壁遙連萬丈光經學喜收  
南國彥才名應是水曹郎地分豐鎬間情適望  
入江山藻思長翹仰師門頻夢遶何時將子共  
升堂

平陸山行值雨欲赴太夫人壽辰不獲

羊腸率律客心寒候火微明漏向殘披靡旌旗  
風力勁盤桓泥逕雨聲繁高堂已切倚門望遊  
子仍歌行路難安得凌雲生羽翰瑤觴稱慶若

為懼

辛亥八月二日  
奉使回車作

送同年蔡敬齋職方使閩浙適新獲恩

封使道稱慶

紫誥初傳出漢廷仙槎奉使復南征白頭偕老  
承天寵宮錦稱觴慰至情朔雪長途離思遶

春風梓里晝遊榮  
詢咨知有匡時策  
頗牧應求報  
聖明

送李北山中翰奉使榮歸

蓬萊春曉瑞光浮  
仙客承恩出御樓  
綵鷁真

從天上泛錦衣行  
向鏡中遊王右軍云每行山陰道上如鏡中遊

家聲共仰凌霄漢  
劍氣遙看射斗牛  
回首瞻雲

仍戀闕揮毫早復鳳池頭

善為寶

聖皇御極啟昌期  
籲俊登庸總后夔  
南海明珠

投絕域中原靈鳳漸  
雲遶恩覃時雨葑菲及化

洽春陽草木知  
沕穆雍熙千載盛  
願歌天保答

恩斯

內閣觀芍藥

閶闔雲連紫閣長  
仙葩拂檻吐紅芳  
栽培舊澤

瞻宣廟雨露新  
恩際聖皇麗日煖  
烟籠媚

態和風輕霽送清香  
掖垣高隔飛塵斷  
肯與穠

華競艷陽

賜見東宮於臨保室  
賜酒饌謝恩



曉日龍樓靄瑞祥  
 詔從鶴禁覲清光  
 元良允繫多方望  
 臨保欣瞻大訓長  
 九醞承恩歌既醉  
 八瓊飽德敬先嘗  
 聖神際遇超千古  
 願効涓埃繼贊襄

奉天門朝賀

晨輪含彩映龍樓  
 劍珮懽呼拜玉旒  
 禮重成人歌有子  
 業占善繼慶無憂  
 正容主鬯綏羣廟  
 世德潛光冒九州  
 聖主元良真盛際  
 重熙謨烈衍鴻庥

寄題友人山居

聞君雅志在樵漁  
 獨向烟霞構隱居  
 遶屋泉聲連枕簟  
 當窓樹色映圖書  
 草直擬楊雄宅高  
 臥應同諸葛廬  
 願接芳鄰嗟未得  
 愧從金馬曳長裾

喜雨

驕陽愆候早方崇  
 雲漢憂深澍雨充  
 始覺蕭疎來短枕  
 即看滂沛遍長空  
 盡回枯槁農祥定  
 潛辟炎蒸爽氣通行  
 見豐年歌帝力更因誠應

仰神功

白鴈

雲飛玉立下瀟湘水闊天低對夕陽素質直應  
冰擬潔奇毛疑是雪為裳月明拂羽光相晃沙  
白圓棲色共長皎皎自多防污濁冥冥應不惜  
高翔

送鄭若稷之柳州

高秋新露滿仙京詞客翻為萬里行樓觀參差  
違鳳闕關河迢遞向龍城野烟遠水鄉心繞極

浦寒雲去棹輕君到愚溪探幽勝瑤篇應寄故  
人情

賀上舍陳洛川得子

浩蕩春光三月餘鬱葱佳氣見充閭岐山雛鳳  
呈祥早渥水神駒啟瑞初英物試啼聲自異明  
珠入掌喜應舒高門漫有于公慶他日須開萬  
卷書

送黃文塘國博尹霍丘

才名早歲滿長安十載成均滯一官已見春風

吹坐爖還驚劒氣動星寒  
澗河官舸迎仙珮高  
館離觴對夜闌願致絃  
訶盈百里早飛鳧  
五雲端

送葉小洲之尹臨桂

桂林景物冠朱方  
出宰憐君遠故鄉  
露冕飄飄踰五嶺  
星槎渺渺渡三湘  
秋風逕繞藤蘿合  
晴日庭空橘柚香  
致却絃訶更何事  
早聞飛舄侍明光

贈徐雲溪鴻臚謝事榮歸

長安三載接芳鄰  
鳴玉時聞入紫宸  
忽向君山懷舊隱  
遂從天闕謝簪紳  
當年綵筆誇前烈  
歸去青雲啟後人  
烟景五湖秋正麗  
多君獨已得閒身

送張南川刺史之東平

才名弱冠動三都  
初命懽傳即大夫  
朱紱輝光過梓里  
青冥勳業在亨衢  
承家西土垂遺愛  
報國東方奮壯圖  
聞道流移正蕭索  
春風回首定應蘇

乃翁昔令芮城有惠政頃齊魯荐飢故云

送郭太初之尹永從

長安文彩動羣公  
 壯志仍期萬里功  
 投筆喜看飛玉鳥  
 乘輅應不嘆孤蓬  
 王程湘水催晴鷁  
 鄉思衡陽寄暮鴻  
 回首勳名何處是  
 早聞禮樂化南中

壽張孺人六表

初長化日射江城  
 壽母堂高瑞靄盈  
 奕世衣冠傳積慶  
 一周花甲肇重榮  
 鸞章貤錫忻天寵  
 鶴髮相輝樂子情  
 此日橋門訝燕喜  
 共懼忠孝

動諸生

和館師張龍湖先生河上見懷之作

暫違玉署向金陵  
 南國瞻依水鑒明  
 桃李門墻千里念  
 鹽梅舟楫萬方情  
 春風披拂懷知己  
 化雨滋華愧我生  
 聖主賜環應不遠  
 黃扉晝接共光榮

七言古體

東山篇

為郡倅趙蓋齋尊人題

太行盤環亘河北  
 青蒼百里瞻寒色  
 拔地危峰

霄漢連森羅疊巘芙蓉植雄鎮郊圻鎖鑰同隔  
離朔漠藩垣力崢嶸矗矗跨東溟逶迤隱隱窮  
西域千年寶地含靈氣 今代臨城產鉅公臨  
城樓闕依山起鉅公卜築山之東浮雲世態吾  
何有遺經獨抱深研窮繩趨矩步踐實地寧獨  
詞場繼國風山南橋木凌霜雪文梓依依俯其  
側輪囷共慶不世材楨幹行看捧 宸極春風  
時出布西河桃李芬芳競滋殖已看絢綵蒸雲  
霞更喜流膏調鼎食晉絳西河一水通餘澤遺

風滿南國象賢詰嗣剖郡符三河復見蒙休德  
循良随地物回春自道秋毫皆燕翼又聞鶯鶯  
集芳庭紛紜五色多奇特在昔謝傅未施政歛  
却經綸寄篇咏乘時奮迹晉祚安爽葉聲名歸  
美盛惟公隱處俗化成尸祝鄉邦有餘慶世德  
方新勳業崇今古東山兩輝映

觀十八學士登瀛洲圖歌

秦王定難開天策寤寐英賢躬簡冊聿啟弘文  
集衆思盍簪寰海皆儒碩房杜雄才首翊登于

虞直諒誠三益穎達窮經繼祖風薛收元敬聲  
 華籍自餘器藝雖或殊承恩遇主奚差異清晝  
 同遊白玉堂良宵分直深嚴地鶴駕時聞駐館  
 中講論治道窮經義珠履文裾燦若雲珍肴玉  
 饌繽紛至清華敢擬人間見瀟灑真同閭苑仙  
 繪圖已羨當年盛至今好事猶留傳丹青妙手  
 呈奇麗恍然名輩臨風前披圖熟玩瞻芳躅咨  
 嗟忽爾心夷然君臣俱抱命世才一德交修真  
 盛事今古文章競采求治平大道咸拋弃政理

雖能至  
 帝王鴻化奚由致愛美徒勤助莫  
 能對圖不覺生遐思

題東方朔偷桃圖長詩

我聞海上仙山名度索王母種飛跨巖壑根蟠  
 九地幹凌霄枝葉扶疎花灼灼閱歲六千實始  
 成服之輕舉遊太清鄰家小兒東方朔三熟三  
 偷何太數遨遊八極情未已暫向人間侍天子  
 滑稽雄辨動宸旒奇言詭行傾人耳當時那識  
 歲星精夫隱金門共泥滓漢皇端拱承華殿青

鳥西來王母見偷桃一語始流聞迄今傳誦人  
猶羨名家繹思揮彩毫仙風倏爾中堂見袖上  
烟霞影陸離手中瓊玖光輝炫眉宇翩翩喜氣  
揚撫摩玩弄虹霓絢君不見老子西遊饗碧實  
飄搖雲輶總仙秩又不見師門食葩道迺成高  
丘殮醪脫塵沕遐舉延年自昔聞玉衡靈果瑞  
氤氳臨圖恍若飛仙集萬壽遙持獻 聖君

燈市行

皇州自昔稱佳麗况復垂裳當盛世富貴驕奢

溢里間考鍾擊鼓迎新歲新歲融和春色妍華  
燈爭市上元前珠宮璀璨臨長陌瓊島瑤光散  
市塵萬戶千門懸未足拂檻綠廊復相續競巧  
呈奇弗少休迷心奪目紛成俗遙望渾疑錦綺  
舒側身恍若彩霞居紅花灼灼高仍下玉樹森  
森密復踈金羊魚枕懸文盖珠箔銀毬縈畫帶  
閩海滇池新製奇珊瑚寶玉殊汪濊高樓歌舞  
逐芳時接踵駢肩詎有涯雕鞍朱轂爭馳逐繡  
履羅襦共逶迤旭日初升已紛集嚮晦營營猶

未戢金穴承恩善價沽玉樓鬪靡旁求急須臾  
皎月上層城懸向華堂寶炬晶共懽節序誇奇  
麗豔曲徵歌送遠聲君不見大河以北流移徧  
羽檄徵求如掣電烟火蕭條歲不登敢論侈靡  
相輝炫又不見青海城頭烽燧高登壇專閩厲  
弓刀鐵衣夜渡仍枵腹詎識長安競麗豪憂勤  
恭儉民淳篤化理黃虞有芳躅淫巧奇技眩聽  
觀蠱俗移人乃酖毒不節之嗟若踵旋古今至  
戒窮人欲我願離明宜日中力挽頽風調玉燭

七夕行

神飈初泛大火流團團湛露零新秋生明弦月  
晶熒上素魄微光遍九州廣庭散步延佳夕共  
言天媛臨牽牛盈盈一水橫清宇彌年此夕相  
淹留鵲橋高駕明河渚霓裳瑤珮凌風舉遙心  
已逐雲車颺龍梭暫爾停機杼昔離今聚杳無  
恒喜極情含難具語七襄經緯共逶迤散與人  
家小兒女高樓乞巧紛趨走寶篆焚香列甘旨  
結綵穿針竟此宵屏營祈請殊無已須臾銀漏



倏當殘層陰歛忽游雲起歡悰難久靈駕旋隔  
歲幽懷從此始潛思是理恐荒唐天上星河事  
渺茫智愚巧拙由人勝陳乞祈天祗自忙新涼  
已入虛窓下燈火偏宜子夜長紛紛小巧何須  
道却笑高樓空若狂

盆梅歌

四郊黯淡紛飛雪萬木嚴凝寒欲折瓦盆巧植  
一株梅正爾暄妍發奇絕低枝曲榦飽風霜怪  
石玲瓏相糾結不向東風競歲華獨倚寒窓擅

孤潔簾幕時聞飄暗香橫斜疎影入虛堂廣寒  
仙子冰為骨姑射神人玉作裳紅塵不到空簷  
下嫩蕊纔舒曲檻傍小盆撮土根非沃雅韻清  
標意轉長主人冲淡無他欲終日摩挲猶未足  
貞白寒芳愜夙懷盤桓自覺真機觸君不見雪  
後羅浮千萬株紛紛臨水復臨途素心幽趣元  
非侶踏遍江村亦浪圖

行路難擬

君不見雲間月既望還復缺君不見陌上花秋

落春華茁盈虛消息自相循競巧何如甘抱拙  
我愛淵明志不回偃仰茅簷衣百結晨夕惟求  
共素心百世清風仰高潔行路難行路難萬徑  
千蹊紛覆轍坎止流行信所遭對酒當歌且懽  
悅

題畫紅梅苑中

紅梅自昔稱奇特風韻清殊人罕識誰遣良工  
獨苦心經營素練生顏色恍惚移根託上林雲  
窓霧閣光華發疎枝老幹舊孤標紫府丹砂新

換骨朱顏豈為競春陽赤心直欲凌冰雪結實  
和羹自所宜千花萬草真難列筆端造化奪天  
成欲集還驚嗟燕雀神跡貞姿閱古今吹殘玉  
笛寧搖落

聞鴈

排律

空齋兀坐起遐思旅鴈高鳴度客居乍聽忽驚  
秋欲老來賓應是鳥先知金風颯處違  
露零時滿綠陂接翼踰橫淨界聯聲啁晰布  
層達九天爽氣傳音響萬里雲霄振羽儀冥舉

預防遊贈害漸盤寧為稻梁期關塞授衣須及  
早上林繫足莫飛遲

五言絕句

題瑞竹二首

根挺疑龍化岐分待鳳翔伶倫如有遇六琯調  
陰陽

二

大人豹隱日新篁發嘉祥孤根挺奇節兩岐振  
芬芳

題太公釣渭圖

漁釣甘高尚鷹揚奮埃時鎬京垂拱治千古仰  
昌期

題畫四首

月白懸晴宇江清愜客情素心相對處空谷有  
同聲

二

金鼎丹砂就瑤空白鶴飛相將遊八極千載共  
來歸

秋色開晴宇涼颼下碧空黃花方爛熳相對白頭翁

四

懷橘良非偶憐君復幼年披圖思往烈珎重蓼莪篇

七言絕句

禮弟瀕行餞席偶成二絕

匹馬關山路透迤他鄉分手不勝悲今朝綠酒

愁看汝來日黃花共阿誰

二

朔雲寒菊滿天涯汾水燕關道路賒月殿桂香應早折上林期汝再看花

聞鴈二首

晴天渺渺映冥鴻風送流聲布遠空和樂已深磐石外羽儀高振白雲中

二

清秋玉露湛金盤陽鳥賓時起遠干接羽聯聲

遍雲表關河應已不勝寒

題扇面

白雲紅樹對斜陽秋水烟波共渺茫  
鼓柁中流忘底事不知何處是滄浪

題鵲鴉四軸

新秋晴日野花妍嘉穀垂垂滿  
舜田錦翼和鳴共懽啄也應相慶在豐年

二

奇姿向日金衣麗弱羽臨風玉屑浮  
共搏微蟲

還自足紛紛何事稻梁謀

三

飄蕭六出亞輕叢點綴山花特地紅  
鴉鳥似憐春色好低棲並宿月明中

四

翠條紅乳發新枝黃鳥相依色更奇  
應仰靈根託仙籍無煩勁氣鬪雄雌

中秋同臬中諸公賞月微雲不甚明  
和西江韻二首

慎修堂集 卷二 三  
微月踈雲景更奇  
高歌莫惜酒盈卮  
陰晴來夜應難定  
漫道清光勝此時

二  
纔見孤雲擁夕曛  
無端月出更紛紛  
浮空聚散應常態  
坐待寧論至夜分

觀唐詩有感二首

文皇大雅啓詞場  
夏玉鏗金韻日長  
馴至開元稱極盛  
迓教鞶鼓振漁陽

二

晉陽一旅肇昌基  
潤藻文章翼燕貽  
却笑末朝何事業  
都將經濟付摛詞

題畫竹四首

渭川晴日野烟消  
錦石新篁入望遙  
不逐東風競紅紫  
森森直幹自凌霄

右晴

石潤苔明白露溥  
娟娟翠竹傍芳蘭  
清芬已結同幽獨  
固節還應傲歲寒

右露

濛濛春雨滿淇園誰挽天河浸竹根應恐紅塵  
污顏色清冷一洗對乾坤

右雨

千畝琅玕一逕深西風蕭索動高林龍蛇宛轉  
搖踈影韶濩鏗鏘送好音

右風

贈葉初泉次林肖泉司成韻二首

朝市浮沉浪寄蹤相逢薊北又吳中布袍長嘯  
紅塵外招隱無煩咏桂叢

二

霸越鴟夷入五湖風流千古未應徂南中此日  
多麟鳳安得憑君上帝都

題鍾馗圖

當年壯志已凌霜化厲猶期佐盛唐似憤玉環  
妖帝側故持忠諫諷君王

題畫

商公科目刻 皇明竹帛仍傳佐理名遙憶良  
工心苦處羽儀應為啟同聲

送同鄉趙經閩還蜀二首

冀北秋風共棘闈數奇君獨壯心違殷勤上計  
相逢日又向西川疋馬歸

二

劍閣嵯峨倚碧天錦官花柳四時妍擁符蜀道  
今應易萬里奇遊是此年

慎修堂集卷之二

慎修堂集卷之三

河汾亢思謙子益著

賦

登春臺賦

惟大造之網緼兮肇東風之應律乃勾芒之執  
規兮舒遲遲之春日冲氣穆清而四布兮允太  
和之洋溢想舞雩之遺躅兮偕童冠而並出共  
周流於韶景爰登臺以娛情攀凌坻而載陟迄  
崇顛而與并始徘徊而容與兮駭紛囂之頓清



性仁堂集 卷三  
迺緩步而逍遙兮欣旭日之熒晶振新衣之璀璨兮柔風澹蕩而無垠鼓絃桐之練響兮歌肆發乎陽春載徜徉以終日兮形神爽而心目明樂洋洋而不可已兮景蕩蕩而無能名於是凝神俯察遐覽旁窺感氣機之和暢矚物候之推移幽蟄既振萬類咸熙桃舒華而燦錦柳綽約而垂絲麥芄芄以含秀桑藹藹以葳蕤獸適兮走野魚樂兮戲萍鵲營巢於高樹兮春燕銜泥於廣庭彼鷺鳥感仁而革性兮倉庚應時而晨

鳴慨洪纖之庶物率咸若而咸寧爾乃佇眄郊圻望極宇內凡厥庶民羣分萃類樂化日之舒長懼陰陽之謝代日出而作兮日入而息鑿井而飲兮耕田而食嘉生民之亶亶兮遂忘帝力履天晷之綿綿兮不知不識於是肅瞻雙闕瑞靄方隆卿雲旋繞麗日矐矐運天樞兮霈湛露闢閭闔兮布仁風寔惟聖人之建極兮成贊化之駿功迺四氣之時若兮囿一世於帡幪仰凌眇於蒼穹兮邈渾淪之無涘俯旁覽乎八荒

慎修堂集 卷三  
今同萬彙之嘉美陽和娛我以烟景兮疇茲遊  
之與比陋吹律以回陽兮技雖工其奚以于焉  
頌望齊章天地交密宇宙同區萬物為一想達  
人之大觀兮視天下為一家彼規規於形骸爾  
汝兮抑志末而堪嗟已而義和奮策曜靈藏輝  
感春光之匪偶遂謠詠以同歸歌曰天地大德  
首春生兮聖王有作贊厥成兮造化流行品彙  
盈兮皞皞融融人物麗兮熙哉帝載莫可逮兮  
四海同春永若三皇之世兮

頌

面恩圖頌

有序

恭惟

皇上聖德統天英齡御宇飭新吏治用保民  
生嗣大寶之二年春會天下岳牧守長各以計  
簿上公車廼制下冢宰御史大夫若曰民非  
吏罔理吏非賢民曷依以生今羣吏咸在爾其  
悉心旌別拔其政績尤異者顯示以風厲焉司  
事者詳稽薦牘詢酌庶言得循良二十有五人

皆確論也列其治狀及舉者名以聞 上命司  
事大臣及言官之長導諸臣 賜對于會極門

恭瞻 黼座肅奉 耿光

皇上親渙 絲綸若曰朕承 祖宗洪緒日惟  
軫念蒸黎爾等能俾田里舉安誠良吏也朕用  
爾嘉其益勉事功勿替朕命仍宣 詔布令俾  
在職庶官咸體朕意焉廼人 賜兼金文綺錫  
宴闕庭維時諸臣欣踴感奮自慶夫千載一時  
之遇而中外臣工莫不欣慕祝頌 聖天子之

寵綏民牧以嘉惠元元二百年創見之盛舉也  
夫循良表異自昔被遇惟艱逮及 聖朝僅三  
數舉然或車服之異或金帛之頒已矣詎有若  
諸臣咫尺天威躬承溫諭既嘉其成績復勉以  
後功且俾暨乃僚罔不同心興起以育我民焉  
大聖人鼓舞循良之術撫摩蒼赤之仁規摹  
誠弘遠矣諸臣所部士民戴 聖主勞臣之渥  
澤慶賢侯遇 主之殊榮率形諸繪事以揚厲  
寵光首列二人則浙江左布政使臣謝鵬舉河

南左布政使臣吳文華次列七人則兩浙運使  
臣朱炳如吾平陽知府臣胡來貢西安知府臣  
安嘉善廣平知府臣趙奮蘇州知府臣吳善言  
德安知府臣馬文煒九江知府臣張應治未列  
十人則荊州同知臣秦寵豐城知縣臣顧九思  
中年知縣臣王緘密雲知縣臣邢玠礪山知縣  
臣王廷卿德平知縣臣程沂餘姚知縣臣李時  
成陽城知縣臣李棟德清知縣臣趙卿汶上知  
縣臣張惟誠而廣西左布政使臣楊成廣東按

察使臣吳一介瓊州知府臣賀邦泰大理知府

臣史訓程鄉知縣臣武尚耕蒙自知縣臣雷起  
蛟則各以事未獲預云 恩光遠賁疆域皆榮

快觀鴻庥曷勝雀躍式揚盛美爰發頌詞 頌

曰於穆 聖皇應乾建極仁覆羣生期底允殖

申命長人子惠是力上計維時朝會萬國乃召

司衡乃召司憲惟茲民牧汝其品論有孚惠心

惟邦之獻或否或勤用懲用勸僉曰冀方寔有

良守率作惰游盡緣南畝撫字恐傷召父杜母

絕績殊能攸同萬口  
詔汝導入賜對承明  
宸旒端拱劍珮分行  
淵衷悅豫躬發玉音咨  
汝循吏允契朕心何以錫予  
哀南金汝邁其  
歸毋貳若今諭爾共人咸俾克欽湛露燕樂闕  
左松林循臣稽首  
聖主恩深率履不越  
上  
帝若臨惟  
皇勤民顯禮臣下式序在位智興  
愚化威震四  
德肆時夏精誠格天大田多稼  
多稼既備豐年穰穰協氣嘉生惠此萬方立我  
烝民頌聲洋洋拜祝吾  
皇萬壽無疆

大享禮成頌

維皇上帝萬類成形盼嚮陟降洋洋在庭丕顯  
皇考至德惟純洪源濬發篤生  
聖人  
聖  
人建極遐覽千古時惟季秋品物萃聚  
大享  
肇興配崇  
嚴父損益百王俾罔踰矩於穆  
享殿峻極穹窿雲霞絢彩瑞靄龍葱赫赫  
上  
帝孚格  
宸衷  
皇考配食明德顯融穆穆我  
皇愈嚴聖敬對越孔殷禮容維令樂被匏絃  
德馨粢盛百辟駿奔罔敢不正維  
帝居歆辰

光洋溢百神景從開祥獻吉 聖考來臨懽忻  
豫逸天宇昭回卿雲麗日享 帝享 親 仁  
人孝子萬古典常我 皇肇始一德格 天永  
錫繁祉 壽考萬年 本支千祀

天保萬年頌

臣聞至誠可以格 天大德必得其壽故商書  
明天祐之原周雅勤萬年之祝是雖臣子之微  
情而寔天人之定理也恭惟我

皇上 德合先天道凝元始 精誠昭格 上

帝降祥茲當 萬壽無疆之期正六合騰懽之

日 皇心寅畏對越愈虔 天眷昭垂休徵顯

應誠千聖之殊祥萬生之巨慶矣臣叨蒙 恩

遇謬列台司自惟一介疎庸薄劣之材疊荷

九重特異便蕃之錫感深刻骨誠極傾心爰效

一得之愚衷敬祝 萬年之天保敢曰足以美

盛德之形容耶蓋天保之詩周人所以酬君之

賜也臣至愚極陋固未敢望乎周人而我

皇上 至德隆恩真過周王於萬萬矣字誠昭

格申命方殷 景福萬年蓋確乎其必至而無  
俟於臣愚之喋喋者然而區區葵藿之忱竊欲  
罄祈祝之私情以效補報於萬一云爾臣謹稽  
首頓首頌曰 維皇上帝眷佑下民篤生  
元聖濟哲明神撫育方夏厚澤深仁遐觀化  
獨契道真昭事 穹昊日嚴 聖敬穆穆神宮  
德馨禮盛 睿想致虔祈茲萬姓受福穰穰惟  
予大慶明禋肅舉孚格 天心微 太一昭煥  
降臨協和錫祉 皇鑒孔深時暘時雨靡有驕

澤寶籙承禧八荒壽域凡厥庶民以輔以翼內  
外臣工是倣是則總攝羣生同歸 皇極仲秋  
十日誕 聖佳辰梯航重譯玉帛畢陳懽呼忭  
舞慶溢 楓宸咸戴 聖皇道復龐淳 聖皇  
曰吁予承 天澤祗展冲誠時惟精白介此鴻  
釐俾爾咸適爾尚協誠夙夜罔斁臣庶稽首僉  
願對揚微臣遭遇蚤被 輝光蓬山鵠立紫府  
趨鎗生成德重覆載恩長蚤負良艱縻捐莫報  
愚朴衷忱敢希芹曝倍萬恒情仰祈 造六

甲靈文七宮真誥 皇衷允協神悟夙通崇霄

純佑乾乾時隆五福萃止百祿攸同高靈環衛

紫焰龍葱日君月妃煥赫旋曜雷師風伯動遵

號召水若山祇朝宗衆頰降嘏致祥休光恒照

聖德精誠潛孚陰騭 天保聖躬凝神固質

億萬斯年動罔不吉悠久無疆與天為一 聖

孝淵深慕親法祖 天保 聖躬怡真瑤圃億

萬斯年神文聖武燕翼詒謀曆綿千古 聖學

微百王兼總 天保 聖躬川流嶽嶷億萬

斯年迪賢啟懌道合義黃功光周孔 聖政雍

熙怙冒九有 天保 聖躬永作元后億萬斯

年為父為母日升月恒天長地久 德格

天瑤壇享 帝誕錫丹符寵綏弗替誠信感通

若持左契 臣拜颺言播告萬世

萬壽無疆頌

我

皇上建極二十有六載仲秋十日恭逢誕 聖

之期 德薰蒸兩儀奠位文明敷暢三曜流輝



慎修堂集 卷三 九  
祥光長發於九天和氣彌綸乎八表內僚外寮  
忭舞懽呼卉服烏羽貢琛效順鷁班生色欣颺  
嵩岳之呼虎旅齊聲競上華封之祝誠億載之  
昌辰百生之嘉會也小臣某叨隨振鷺快覩  
飛龍倍萬忭懽敬陳小頌頌曰 天佑下民篤  
生 至聖德合高日嚴一敬仁育義裁正位  
凝命元德交孚受天繁慶仲秋之十 聖誕昌  
辰寰區懽溢瑞靄紛繽祥通三極和協百神光  
昭泰宇氣轉鴻鈞四海雍熙三秋大有玉宇雲

開金河水瀏閭闔懸宮昭陽設樞絳節來仙紅  
雲捧 后巖廊柱石環珮鏗鏘百司庶職簪履  
趨蹌蒿呼躍舞介福吾 皇子孫千億宜君宜  
王外服羣僚牧伯藩臬萬里駿奔彤墀森列分  
宇 天支 黃羅設同祝吾 皇遐齡豫悅桓  
桓武士持戟披堅橐鞬帕首拜舞編躡 聖人  
御極威化遐宣修文講藝永息戈鋌絕島窮荒  
南北貉執玉獻琛梯航重譯海若效靈天無  
靈競中國聖人永綏 貊萬邦黎獻均感恩

私對揚 休命慶值昌期小臣叨遇惟日孜孜  
百生巨幸願祝 鴻釐莫高匪天洋洋育物誠  
復誠通 機穆沕我願 聖人皇猷永黻奠我  
烝民與天同迥莫厚匪地鎮定攸凝簡能成物  
光大含弘我願 聖人六龍時乘曲成萬彙與  
地同恒日月麗天空光久照萬古貞明懸輝普  
耀我願 聖人燭遍遐嶠豐亨日中三辰增曜  
帝德廣運踔邁古前高 悠久匪物可遷  
壽隨德茂蕩蕩綿綿永建 皇極億萬斯年

瑞應嘉禾頌

有序

恭惟我

皇上御極之二十七年八月十日寔 萬壽之  
期環海臣工駢集 闕下以效頌祝乃七月  
日 西苑御田產雙穗嘉禾七十五本 休徵  
聖節不約同符內外臣民不勝懼忭臣惟兩岐  
獻瑞自昔所珍至治薰蒸嘉祥乃應我  
皇上道參元始德契 高 應運中興欽崇  
天道 郊壇祇敬 宗廟肅將大孝始於 尊

親至仁育乎萬姓憂先稼穡子惠困窮離照旁  
通 乾綱獨運黔黎樂利蠻貊率俾 聖德神  
功美矣盛矣且又躬秉孚誠對越 上帝精專  
奏格祈福下民是以一德流通太和敷暢 帝  
心昭格御畝鍾祥發此兩岐之瑞應茲 萬壽  
之辰顧惟七十五本之繁臻實兆億萬斯年之  
景福臣叨慚台輔倍萬忭懽又飫發生之盛  
德曷揚化育之神功謹不揣固陋稽首頓首敬  
獻頌焉 頌曰 聖皇御極作民君師悠久成

物寰寓咸熙德盛若虛敬 天法 祖無逸是  
先躬耕禁蘖秉耒三推藉成千畝臣庶承 庶  
罔敢或後豐藏御廩以秩 郊裡風行下土以  
式庶民 聖德旁通自天受祿俯念蒸黎同膺  
景福祗肅精誠申祈 帝祐秘宇陳儀靈壇設  
標瓊科闡範藁笈開文忱虔上格大道天聞恩  
光下燭慈寶溥臨百神呵護四氣無侵時暘時  
雨肇錫豐年百穀蕃茂厭厭綿綿清秋應候邇  
帝誕辰太和洋溢萬寶函真錫慶發祥嘉禾

雙穗七十五莖共茲上瑞 紫禁之西擢秀祁  
 祁既平既齊結實離離吐穎揚芒瓊異且多滂  
 若雲烟天地同和地匪遐方實惟 內苑雨露  
 恒霑對揚 龍衮時匪後先恭逢 聖節瑞協  
 祥開天造地設赤鳥神雀集于彤闈羽毛雖異  
 寒者莫衣連理紫芝殊光異色奪目呈奇饑者  
 莫食詎若嘉禾雲蒸日皦下民是益多福是兆  
 其兆維何乃粒莫測天眷吾 皇壽考罔極其  
 象維何本一實繁天眷吾 皇萬葉神孫豐年

穰穰諸福洋洋 一人有慶萬壽無疆萬壽無

疆本支世世億萬斯年苞桑永繫

東城懷德頌 并序 送郡侯毛我山司憲湖

南

自昔盛世君臣所以固國保民曷嘗不以城郭  
 為先務哉傳曰堯始命鯀築城造郭至禹而成  
 又曰築城以衛君造郭以保民夫內外相依以  
 為固古人所以有表裏皮骨之喻焉漢唐以降  
 名邦巨鎮則外者亦不以郭稱矣其見於史若

成都番禺之羅城子城少城同華之關城而鳳  
 翔則四關皆曰城矣蓋草昧初寧民物鮮少治  
 安既久戶口蕃滋一城詎足容哉外城之築非  
 事有必至理有固然者乎往歲近畿都  
 城南關物貨繁阜先皇帝乃命文武諸大吏  
 創築外城親錫門額聖神謨筭于堯禹有  
 光矣淵衷所及四海同仁詎或有異哉吾郡東  
 關故有城規制未備嘉靖辛丑入太原明年  
 郡守永豐聶公下令新之甫庀役公以遷秩行

浮梗蝟興所司急於畢事又二紀餘矣丁卯秋

一潰垣踰偏關掠汾陷石烽火達郡中民恟恟

無所於芘郡守平原毛公慷慨登陴率士民為

守禦計周閱關城嘆曰其陋也名弗稱其卑也

可躍而升且救甚足緩急恃耶越旬日解嚴乃

進士民諭之曰往一之入也掠其無城守者已

矣今則荷鈎衝犯城壁守堅者寇不能久持乃

去瑕者陷而入虔劉不忍聞夫計有所當先費

不可省也役有所當舉勞非所言也爾其量貲

以受堵計身以助庸吾不汝強焉士民欣欣然  
合詞對曰公嘉惠吾民俾樹千百世防費者所  
以衛吾財勞者所以休吾力微我公之仁疇及  
此耶踴躍從事不戒以享時 天子採廷臣言  
詔西北諸內地各高城浚塹以寢 謀公喜  
曰 帝命惟時臣敢不祗若乃出常祿為士衆  
先心煩於慮身親其勞議疆理審丈尺計徒傭  
量事功作樓櫓崇雉堞增次舍廣敵臺城外悉  
甃以甃高厚壯固倍于前規復進羣匠論之曰

茲厚若直裕若期為永乂圖毋以官府造作視  
也惟其堅毋庸于亟惟其質毋庸于華爾其恣  
戒哉又時省閱豐犒給別勤惰禁侵牟程督有  
恒鼓舞無怠輿情咸奮羣力畢陳經營于丁卯  
之冬明年春乃肇工又明年夏而城成公復為  
聯什伍申約束精器械謹譏察所以為固守之  
防者無不詳且盡焉適 天子擢公司憲湖南  
吾郡縉紳耆宿數十人憮然造予曰郡公之子  
惠我民豈特慈母之育赤子若哉其他懷保者

未暇舉也茲城未立圖以立之版築方興圖以固之壁壘既成圖以守之揆度經營真若理家之垣墉庭戶然者頃臺察疏留蓋欲公保我黎民子孫於無窮也晉藩秩綰郡章陟憲司仍茲省無不宜者胡司事者不為吾郡計乃畀之他耶公曰子晉人但不欲毛公違吾晉而未覲廟堂之事體大也藩叅莅郡則禮制異而釁易萌司憲是邦則閱歷深而嫌當遠謀國者籌之審矣矧近之治郡者率三歲而遷滯公豈宜哉

夫公既深博愛之施復成茲無疆之業而衣衾之戒畫一之規具在也余嘗登高而望焉新城言言與舊城埒萬家中處老稚舉安作息嬉遊無復奔嘑突囂之患北瞻京邑悚然興夫朝宗拱極之心孰非我公所以對揚休命而敷錫嘉祉於吾人耶昔召公布政南邦自侯伯至庶人無失職者羔羊騶虞之化其入民深矣及歸而夾輔王朝也黎民見其所憇之棠愛慕興思至形於訶咏俾勿敗勿拜焉今崇墉屹立豈

一崇比哉覩金湯之勝蹟思保固之膚功謂於公之日臨吾上異耶謂有不顯然起敬油然而懷德奮然圖報者耶夫公之念我民不求烜赫之聲而建悠久覆幬之烈吾人之戴公也不在於攀留頌祝之迹而貴於體公孚誠懇惻之心慎思而謹護時緝而屢完且胥助胥勸毋怠毋嫌俾是城恒如今日之觀足為百世之守是則公固國保民之心而吾人之所當對越而繹思者也詎止勿敗勿拜而已哉詩曰無俾城壞無獨

斯畏居於斯者尚其永念而交勗焉於是諸耆宿喟然並稱曰子言良然然公行矣縉紳之恂奚以宣子其為之詞乃拜手而頌曰維彼陶唐有此冀方宅中建極爰都平陽太行環峙三河湯湯立我蒸民既熾而昌我祖明明畫為劇郡獫狁匪茹烽烟遂近天錫毛公宣昭義問爰整師徒番番胥奮公陟東城東城陵夷公曰寇至其奚能支迺疆迺理迺垣迺陴庶言爰繹出入虞師維築登登如繩之直維削馮馮如山之



嶺迺作高門高門翼翼迺作層臺層臺抑抑屹  
然壁立矗若雲蒸增其式廓以域以憑巍乎九  
仞天險匪登蠢茲醜莫我敢承公曰城成曷  
圖與守弓矢戎兵武夫赳赳以謹無良有嘉折  
首無弛爾勞業垂不朽睠茲百雉列屋萬區黔  
黎櫛比商賈充衢保爾家室樂爾妻孥伊誰之  
致維公訏謨公惠我民黜華崇質鞠育撫摩城  
特其一赫赫無求德教洋溢如龔如黃先民是  
匹巖巖維城聿懷明德保我子孫順帝之則

式遏寇虐以綏中國於萬斯年莫匪爾極迺陳  
時臬維帝念功秉憲南征我心忡忡天乎祚  
賢繁祉日隆子子孫孫爾侯爾公

三

七

七

慎修堂集卷之三

[Faint bleed-through text from the reverse side of the page, including characters like '金', '七', '十', '年', '月', '日', '年', '月', '日', '年', '月', '日']

